

Najib yakin BN menang besar, manifesto tumpu kepada ekonomi
Malaysian Insider
April 4, 2013
Oleh Boo Su-Lyn

KUALA LUMPUR, 4 April — Datuk Seri Najib Razak hari ini berkata beliau yakin Barisan Nasional (BN) akan menang besar dalam Pilihan Raya 2013 dengan manifesto gabungan pemerintah itu akan memfokuskan untuk mengubah standard kehidupan rakyat Malaysia dan keadaan ekonomi.

Akan tetapi menurut Najib (gambar), gabungan pemerintah itu perlu bekerja keras dan mengurangkan pergaduhan dalaman.

"Kita komited kepada janji yang dibuat," kata Najib kepada pemberita selepas mesyuarat Umno dan Barisan Nasional (BN) di Pusat Dagangan Dunia Putra (PWTC) di sini .

"Based on national transformation, the manifesto's emphasis will be on improving the living standards of people and improving the economy," said the BN chairman, adding that BN's manifesto would be unveiled this Saturday at Bukit Jalil here.

"Berdasarkan transformasi nasional, manifesto akan menekankan untuk mengubah standard kehidupan rakyat dan memperbaiki ekonomi, " kata pengerusi BN itu, sambil menambah manifesto BN akan dilancarkan Sabtu ini di Bukit Jalil.

Pakatan Rakyat (PR) mengumumkan manifesto pilihan raya mereka Febuari lalu, menjanjikan penyusunan semula dasar-dasar ekonomi negara untuk memastikan setiap isi rumah Malaysia mendapat pendapatan bulanan minimum sebanyak RM4,000.

Najib mengatakan hari ini calon pilihan raya BN akan diumumkan lebih cepat dari selalu, akan tetapi tidak memberikan tarikh.

"Kami mahu umumkan lebih awal bagi membenarkan mereka berkempen di samping itu ada masa untuk BN perhatikan reaksi kepada calon-calon kita seperti apa perkara yang harus dilakukan sekiranya timbul sebarang masalah dan sebagainya," katanya.

Najib juga berkata beliau berharap keganasan tidak berlaku semasa hari mengundi.

"Demokrasi berparlimen mesti mengutamakan menghormati integriti dan membenarkan rakyat untuk membuat keputusan secara bebas, tidak menakutkan mereka atau menghalang mereka," katanya.

Pembangkang telah mengalami beberapa serangan ganas yang didakwa dilakukan oleh penyokong BN atau kumpulan yang dikaitkan dengan Umno, menjelang Pilihan Raya 2013 yang dijangka akan diadakan menjelang akhir bulan.

Pilihan Raya 2013 dijangka menjadi yang paling sengit dipertandingkan dalam sejarah selepas BN hilang majoriti tradisi dua pertiga di Parlimen dalam pilihan raya umum 2008, yang digelar sebagai "tsunami politik" Malaysia.

<http://www.themalaysianinsider.com/bahasa/article/najib-yakin-bn-menang-besar-manifesto-tumpu-kepada-ekonomi/>